Dissertatio medica inauguralis, de rabie canina: quam annuente summo numine: ex auctoritate reverendi admodum viri, D. Gulielmi Robertson, S.S.T.P. Academiae Edinburgenae Praefecti: nec non amplissimi senatus academici consensu, et nobilissimae facultatis medicae decreto: pro gradu doctoratus, summisque in medicina honoribus ac privilegiis rite et legitime consequendis / eruditorum examini subjicit Jacobus M'ilwaine, Hibernus. Societ. Chem. Edin. Soc. Extraord. Nec non Soc. Physic. Americ. Sodalis.

Contributors

McIlwaine, James. University of Glasgow. Library

Publication/Creation

Edinburgh, 1787.

Persistent URL

https://wellcomecollection.org/works/qfg6fp6u

Provider

University of Glasgow

License and attribution

This material has been provided by This material has been provided by The University of Glasgow Library. The original may be consulted at The University of Glasgow Library. where the originals may be consulted. This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection 183 Euston Road London NW1 2BE UK T +44 (0)20 7611 8722 E library@wellcomecollection.org https://wellcomecollection.org





DISSERTATIO MEDICA INAUGURALIS,

DE

RABIE CANINA.

QUAM,

ANNUENTE SUMMO NUMINE, Ex Austoritate Reverendi admodum Viri,

GULIELMI ROBERTSON, S.S. T.P.

ACADEMIÆ EDINBURGENÆ Praefecti;

NECNON

Amplissimi SENATUS ACADEMICI consensu, it nobilissimae FACULTATIS MEDICÆ decreto;

PROGRADU DOCTORIS,

UMMISQUE IN MEDICINA HONORIBUS AC PRIVILEGIIS
RITE ET LEGITIME CONSEQUENDIS;
Eruditorum examini subjicit

Eluditorum camana

JACOBUS M'ILWAINE,

HIBERNUS.

Societ. Chem. Edin. Soc. Extraord. Nec non

Soc. Physic. Americ. Sodalis.

Conjecturalem artem esse medicinam, rationemque conjecturae talem esse, ut cum saepius aliquando responderit, interdum tamen sallat nos.

Celsus De re Med.

Ad diem 25. Junii, hora locoque solitis.

E D I N B U R G I:

Apud B A L F O U R et S M E L L I E,

Academiae Typographos.

M.DCC, LXXXVII.

FRANCISCO HERVEY,

BRISTOLII COMITI,

Et

DERRIENSIS EPISCOPO,

Admodum venerando;

Non minus propter virtutes ejus innatas,

Eximias, et valde colendas,

Quam labores, quos publice

In Hiberniam impendit;

Hasce studiorum suorum primitias,

Ut summae observantiae testimonium,

Dicatas effe

Voluit

AUCTOR.

confidential of the

NETSCO HERVEY,

BRISTOLIS COMITE

37

DERRIENSIS EDISCOPO,

Commission of the Commission o

e transfer edge expedite to an opposite and

admits discon quida ?

digues come sublice

The state impendit)

taloutt no multiprom toprom primiting

fungange observation tellimonium.

Dicates effe

tiulo V

UCTOR

DISSERTATIO MEDICA

INAUGURALIS,

DE

RABIE CANINA:

UIA legibus almae hujus academiae fancitum est, unumquemque fummos medicinae honores attingere cupientem, quoddam specimen in lucem proferre, quo monstretur illum aliquid saltem in arte salutari navasse, nec omnino imperitum esse, de rabie canina decrevi scribere: Ea enim morbus est, qui, quanquam non faepe obveniens, talis tamen habeatur, qualis (ut mea fert opinio) jure postulat, ut ejus natura sit medico non levi cura explorata: Quandocunque enim se obviam fert, sym=

ptomatis

ptomatis tam horrificis, et tantum periculi indicantibus stipatur, quod ni promptum auxilium adhibeatur, mors dira brevi sequitur.

DEFINITIO MORBI.

- ' Potionis cujuslibet, utpote convulsio-
- ' nem pharyngis dolentem cientis, fastidi-
- ' um et horror, plerumque e morsu anima-
- · lis rabidi *.'

HISTORIA MORBI.

Quo tempore hic morbus homines infestare coepit, parum inter auctores convenit: Sed, quia constat, canes et alia animalia, quae ex iis huic morbo obnoxia sunt, atque a quibus homines infici solent, in omni

^{*} Cull. Synopf. Nofolog. Method.

tius

ni quasi aevo extitisse, nobis forsitan colligere fas est, morbi hujus originem antiquiorem esse ulla historia, quam nobis medicorum scripta suppeditarunt.

Multis modis hoc venenum dictum est, inficere humanum genus:

1mo, Rabidorum animalium morsu; et forte tam exquisite contagiosum sit, ut ad morbum inducendum sufficiat cutem, non autem sanguine detracto, perstringi.

2do, Spiritu in pulmones receptum, et fortasse cum pauxillo salivae commistum.

3tio, Aliqua parte cuticula non obtecta falivam, recentem ex ore, tangente.

4to, Aliquid hoc veneno tinctum pertrectando *. Auctor merito inclytus memoravit, periculum minui, si dentes animalis rabie correpti inter mordendum per vestes densiores adigantur; quia major spes est viri ab iis abstersi: Itaque idem, vulneri in ulla corporis nuda parte admotum, cer-

^{*} Boerhaave, Aphor. 1136.

tius nocivum esse. In tabulas quoque retulit idem auctor, seipsum exempla vidisse hujus veneni, nullo vulnere illato, per cutem permeantis *. Praecipue autem notabile est, id quod a Palmari narratur: 'Ruf-' ticus qui hoc morbo laborabat, existimans fe cito periturum esse, ut ei liberos suos 'osculari concederetur obsecravit; concesfum est, et ille non diu post animam efflavit; at omnes liberi eodem malo corrif piebantur, et septimo ab ejus incursu die ' interibant †.' Simile exemplum retulit Schenkius, de patricio viro, qui rabiofum canem, antequam dimitteret strangulandum, osculatus, postea hydrophobicus periit ‡. Hoc omne in idem convenit cum eo quod novimus de aliorum morborum contagie per vafa absorbentia in corpus recepta. Labia enim, interior pars oris, fauces, et lingua, tam

^{*} Sauvage, differt. fur la cauf. et la natur. de la rage.

⁺ Palmari de morb. contag.

[‡] Observat. med. lib. 8. p. 848.

tam tenui cuticula obteguntur, et lymphaticis adeo abundant, quod venenum ab iis facile absorberi potest.

Non erit huic loco alienum diligenter perpendere, num hic morbus unquam nascitur in humano corpore, nec vulneribus, nec quacunque alia externa causa illatus, Quod interdum fua sponte excitatur observationibus auctorum non parvi nominis verisimile redditum est *. Tale enim exemplum praebet illustr. Van Swieten, de juvene viginti novem annorum, temperamenti calidi et ficci, qui fumma excandefcens ira proprium digitum momordit, unde, intra viginta et quatuor horas, hydrophobicus factus est; et quidem adeo, ut, etiam aquae mentione facta, strangulari videretur; dein, maniacus ac plane furibundus evadens. fubito periit, post aeruginosam materiam evomita bile mera. Adjungit istis idem scriptor, quod in hoc exemplo constitit il-

lud

^{*} Edinburgh Med. Effays, vol. 1.

Salius Diversus in muliere triginta sex annorum, sebre pestilenti primo, dein, hoc morbo expugnato, dysenterica reddita, atque denuo curata, manente tamen quadam sebricula, vidit hydrophobiam nasci, et quidem tali gradu, ut alios coram se bibentes sustinere

^{*} Van Swiet. Comment. Boerhaave Aphor. 1130.

fustinere non posset: Mens tamen semper constabat, et octavo die, postquam omne liquidum horrere coepit, mortua est *; cum a morsu rabiosi animalis hydrophobici facti raro quartum diem superare soleant. Ab his et multis aliis, quae hujusmodi variis scriptoribus narrantur, pro rato apud illos habitum est, talem morbum, ne ulla materia virosa in corpus admissa, innutriri aliquando; dicunt quoque, hanc morbi formam leniorem esse, et sublatu faciliorem.

Ab istis vero exemplis, meo judicio, vix nobis licet inferre, eos, qui his symptomatis laborant rabie canina affectos esse: Et ad hanc opinionem amplectendam adducor, quia omnes isti auctores, tantummodo hydrophobiae, quae rabiei verae non nisi symptoma unum inter multa est, mentionem fecere. Hoc aliquando in quibusdam malis, uti in febribus nonnullis, et interdum in hysteria, aliis, quae hunc morbum essor-

mant,

^{*} De febre pestilent. cap. xix. p. 362.

mant, haud comitantibus, seipsum manisestare, non equidem inficias ibo; sed, si animum ad exemplum, quod protulit Van Swieten, advertamus, et reminiscamur hominem ab eo memoratum intra viginti et quatuor horas a tempore quo invaserat ira, hydrophobia captum esse, proxime obveniet recordandum, rabiem caninam non nisi post multos dies, imo aliquot menses, vel etiam, ut nonnulli auctores affirmant, annos, adoriri.

Exemplum quod retulit Boerhaave explicari potest, ratione habita ad fatigationem insuetam, et magnam quantitatem liquorum ardentium quos aeger biberat; a quibus, scilicet, sebris violentissima excitata est, delirio stipata: Ex tali conditione, horror aquae haud raro oritur; atque ea eausa forsitan Boerhaave rabiem caninam accessisse opinatus est. Sed a supra dictis mihi, cum multis aliis, colligere licet, hune morbum nunquam revera contingere homini, nisi cum corporis quaedam pars veneno ab animali rabido recepto vitietur.

Vasis lymphaticis, nunc adeo a celeberrimo Monro illustratis, non difficile est, his in rationem assumptis, explicare quomodo venenum hoc lethale, una cum faliva animalis in corpus absorbeatur. Quamdiu hoc venenum in corpore lateat postquam absorptum fuerit, non apud auctores convenit: Experientia autem nos certiores fecit, diversa venena diversum temporis spatium, antequam proprios suos effectus edant, postulare; et hoc spatium variare secundum corporum, quibus admoventur, habitum varium. Attamen talia intervalla, ex eodem veneno applicato, ordine magis certo nonnunquam exiguntur; gratia analogiae variolas hic memorabimus, quae plerumque inter octavum et decimum diem a quo insertae sunt, seipsas manifestant; at virus venereum, quod ad tempus per quod iners manet, rationem quandam servat corporis ejus conditionis quae fuit, cum primo admotum est: De veneno, quo canis rabidus inficit, aliquod B dicendum

dicendum est simile; id enim plerumque sub quintam, vel sextam hebdomadam se prodit: Prolata funt ab auctoribus exempla, irregularia quidem habenda, quae (ut antea dictum est) non nisi post aliquot menses, vel etiam annos, vix autem rata auctoritate comprobata, veneni effectus oftenderunt. Ex variis autem rebus contingentibus, haec omnia venena, ut variis viribus pollentia, existimari possunt; atque hae res una cum corporis conditione causae fint varietatum, quas observamus in viribus morborum ab iis nascentium. Salivae rabidi animalis in mali stadio ultimo, quam in praegredientibus, plus viri inest.

Aliorum morborum causae, aeque ac hoc venenum, ante in corpore per tempus sat notabile latere videntur, quam ulli esfectus morbosi oriuntur: Sic nec variolarum nec sebrium contagiones consessim inducunt morbos suos; sed in his corporibus citius, serius in illis: Nec scabies, nec lepra unquam, temporibus certis et definitis apparent.

Causae, quae canes ad hunc morbum opportunos reddunt.

Supra conatifumus probare hunc morbum nunquam sua sponte in hominum corporibus oriri; nec aliquid eorum naturae inesse ad eundem praedisponens. Causae autem in canibus quae talem proclivitatem gignunt, hae dicuntur esse: 1mo, Æstus ingens, et diuturnus; frigus autem vehemens, et diuturnus; frigus autem vehemens, et diutus admotum ad idem conferre dictum est. 2do, Diaeta putrida. 3tio, Aquae inopia: Et postremo exercitationis idoneae desectus.

Animadvertendum est praeterea canem, ex istis animalibus esse, quibus natura cutis meatus et foramina parum dedit; atque idcirco sudor non per cutem e corpore, ut in aliis animalibus, eliminari posse, sed omne a pulmonibus essari. Inde hoc ex parte conferet, ut videretur, ad humores reddendas

dendas acriores solito, adeo ut aliis adjectis, et sebre sui generis orta, venenum exinde genitum sit omni animantium generi lethale. Attamen, quantum ego novi, ab auctore nullo causae a quibus hic morbus revera in canibus ortum ducit, satis luculenter hactenus explicatae sunt.

De signis quae in cane rabido conspiciuntur.

Momenti est maximi, quod ad hunc morbum praevertendum, signa quae canem indicant rabidum ad amussim cognoscere; ita ut caeso animali confestim, obstemus ne contagio apud homines, vel caetera animalia disfundatur. Ægre quidem hic in primo suo stadio ab aliis morbis distinguitur; sed brevi postea propriis notis insignitur, facile pernoscendus. Hae autem notae sunt: Inselix animal moestum sit; aliorum canum societatem sugit; nec, ut antea, domino suo vel familiaribus abblanditur; latrat non amplius, sed murmura e-

dit; advenas adoritur; aures et caudam demittit; cibum vix aut ne vix appetit, aut denique eundem sine delectu et torpens asfumit. Obtufa acie et hebeti fiunt oculi; paucis deinceps elapsis diebus anhelat; linguam exferit, et frendere incipit; alios canes vitat, et ab iis pariter vitatur: Incipit nune supremum stadium; domo discedit; vagus procurrit; et infania vel fortasse cruciatu, quo vexatur, omnia animalia quibus occurrit morfu captat; et biduo vel triduo pasmis correptus e vita discedit. Aliud est praeterea post mortem canis notatu lignum; fi enim panis vel carnis frustum aliva animalis mortui illinatur, et cani aleri offeratur, ille, fi rabidus fuit prior, utunque esuriens, cum horrore respuit *.

Symptomatis conspectis, ab aliis facile ic morbus distinguitur; et, quandocunque anis observatur signa hujus morbi ostendere juaedam, semper ligari debet, dum de eventu

James on Can. Madness.

14 DE RABIE CANINA.

ventu certiores fiamus; ad hoc quidem breve tempus sufficiet; atque canem, suspicionis causa solius, occidere crudele est: Primo enim dubitandum an canis fuerit rabidus, an non; et si aliquis ab eo morsum acceperit, aderit in futurum terror, ne rabies insecutura sit, et lacessent omnes horrores, quos periculum incertum, et omnis solicitudo, quam dubitatio adferre solet.

· Quae signa in hominibus conspiciuntur.

Postquam hoc venenum in corpus humanum absorptum fuit, et in eo per aliquod tempus latuit, (quod quidem, in diversis hominibus diversum est) dolor partis in qua virus erat receptum, lymphaticorum tractum sequens, primum symptoma est; exinde sequitur lassitudo torpens et iners; turbatur fomnus; terribilia exagitant infomnia, convulsiones, et tendinum subsultus; irrequietus aeger suspirat, et moestitia

gravatur; sanguinis detracti eadem species, quae in secunda valetudine.

Haec primum stadium claudunt. Postea qui morbo laborat de anxietate conqueriur, atque de molesta et ardua respiratione norret; et nunc aquae vel aliorum liquoum ac cujusque rei pellucidae supervenit navor: Organa externa nimis fentiunt, a ut omne, quod percipitur, molestiam nferat: Cibi appetitus deficit; tamen solia multo facilius quam liquida ore sumunur; arteriarum pulsus sit tremulus, sed uriusculus; subeunt tremores et convulsines validae; materia glutinosa et biliosa omitu ejicitur; cor palpitat infigniter; ethrae titillationes insolitae molestant, et ina, propter spasmos, impetu insueto ejiur; penis et scroti contractiones valde nciant; post urinam redditam profluit men *: Adest quoque salivae viscidae xus copiosus.

Mead on poisons.

16 DE RABIE CANINA.

Nunc autem supervenit stadium tertium et supremum; in quo signa omnia jam memorata augescunt: Omnes liquores cum horrore recusantur, lingua fit aspera; os hiat, et spumosae salivae magna quantitas in eo colligitur; hanc in adstantes conspeere, etiam invito animo, rabies instigat. Rauca vox; fremere incipit aeger; verbofus quoque fit; sed, (quod mirum in tali conditione) tantum judicii melioris servat, quod percontantibus responsa nequaquam aliena reddit; crebro nunc arteriae pulsant et languide. Tandem vero delirium atrox ipsum, nec cessans, adoritur: Risus adest Sardonicus; vehementes evadunt affectiones spasticae; et demum, spatio plerumque trium dierum, mors valde exoptanda, finem aegri miseriis imponit.

Quae incisis cadaveribus se in conspectum e-

Causas morborum, et sedes indagantibus, saepe multum scientiae utilis obtulerunt cadavera

cadavera incifa; in hoc autem morbo non multum confert ad istas detegendas ars anatomica: Celeberrimi quidem auctores annotarunt, organa deglutitionis esse plerumque inflammata; quia vero hujus inflammationis figna non semper inveniuntur, patet deglutitionem non omnino propter eam impeditam esse: Mihi autem verisimile videtur, hanc inflammationem validis spasmodicis affectibus, et convulsionibus, quae inter morbi cursum infestaverunt, quandocunque liquores hauriendi, vel etiam in conspectu essent, adscribi debere; in causa quoque esse, quod, magna copia salivae ex his partibus profluente, illae humoribus suis spoliatae fiunt. In cadaveribus nonnullis ventriculus et intestina reperiuntur inflammata: In priore necnon aliquando materia biliofa detegitur; atque id organum haud raro aëre distenditur. Pericardium plerumque siccum; arteriae sanguine plenae, et venae vacuae observantur. Solito aridiores sunt omnes musculi, ut et

18 DE RABIE CANINA.

viscera. Nonnunquam illaesum esse cerebrum videtur. Pulmones sanguine multo distenduntur: Cor eodem, fere semper coacto repletur.

DE CAUSIS EXCITANTIBUS.

Convenit inter plerosque scriptores, hujus morbi symptomata, a tenui quadam
materia, sed admodum virosa, cum animalis saliva commista, originem suam ducere;
quo autem modo nocet, et an nervos primo infestat an non disceptatum est. In medium etiam nuperrime hypotheses omnino
inter se dissimiles ad hoc enodandum prolatae sunt: Paucae autem ex iis ad caliginem, qua res obvolvitur, dissipandum aliquid praestiterunt.

Desault scriptor Gallicus dissertationem de hoc morbo edidit, in qua hunc morbum a contagione vermiculari nasci conatus est ostendere; atque quorundam animalium exiguorum salivam ejus in causa esse; scilicet quia vermes aliquando in intestinis eorum qui huic malo fuccubuerunt, reperti funt in hanc sententiam ivit; a scabie, quam animalcula existimata sunt inducere, analogia deducta, eam stabilire conatus est; et majori adhuc fiducia eandem promulgavit propter vim insignem (ut ab illo erat existimatum) qua adversus hunc morbum pollet hydrargyrum *. Sed si talis contemplatio vera esset, vermes in omnibus, qui hoc morbo interimuntur, inveniantur oportet; sie autem haudquaquam res se habet: Oportet quoque hydrargyrum magna saltem ex parte proficeret; sed experientia calamitosa omnino diversum contingere manifestavit. De his vero cum ad medendi rationem perventum sit, fusius differam.

Multo

^{*} Sauvage differt. fur la rage, an. 1734.

Multo praeterea ingenio ornatam in lucem edidit hypothesin celeb. Mead; opinatus est enim viri vim, sali concreto acri, cum eo commisto, deberi; atque ab hoc principio ejus actionem ad vim mechanicam retulit: Acuta sunt, secundum ejus doctrinam, his salibus spicula; quae nervis incidentia, lacessunt eos; et una cum eorum fluido ad spasmos ac convulsiones stimulant usque; hoc modo eorum munera perturbantur; et delirium, febris, atque alia symptomata inducuntur *. Huic autem opinioni, utcunque speciosa videatur, multa obstant: Inter quae recenseatur, quod nobis nequaquam in propatulo est, nec intellectu facile, quomodo hi sales, quibus tam acuta sunt spicula, tam diu nervis et eorum fluido (si istiusmodi fluidum revera fit) adjaceant, nec proprios sui effectus citius edant; cito enim, ut omnibus notum est, alia stimulantia hujusmodi eos affici-

unt.

^{*} Mead, edit. nov.

unt. Hac igitur ratione nobis licet ejus hypothesin respuere.

Aliam vero, et etiam minus verisimilem, in dissertatione ejus inaugurali protulit Heysham. Voluit ille hoc venenum esse acidum; et ipsum morbum propterea abforbentibus curandum. Paucis argumentis certe opus est, ad talem opinionem evertendam; facile enim cuiquam patebit eam temere susceptam esse, et insomnii speciem, potius quam ipfius ratiocinationis prae se ferre. Quia scilicet, absorbentia, propter quoddam medicamentum apud circumforaneos jactatum, hunc morbum tollere existimatum est, ille theoriam tali opinioni accommodare cupiit, et ideo hanc effinxit: At quia absorbentia adversus hanc rabiem nihil valere probatum est, sua sponte illa corruit: Plura autem de his medicamentis postea *.

Sicque

^{*} Vid. differt. inaug. Edin. an. 1777.

Sicque auctorum de hujus veneni natura, et modo quo effectus suos edit, opiniones quassam recensui; earum vero nulla, quantum ego judicare possum nec dirorum quae sequuntur rationem perhibere, nec idoneo medendi consilio respondere videntur. Modus operandi quidem non solum venenorum omnium, sed praeterea contagionum, fatentibus plerisque, profunde in obscuro latet; Venia igitur me condonandum spero, si in errorem incidam, aggrediens, nequaquam siducia, pauca de tam dubia re.

Quantum, effectibus suis, halitum, a quo typhus oritur, humanum dictum, simulat haec contagio, perpensum vellem; istis quidem non multum discriminis interesse, ut ego opinor, vix aliquem effugiet qui signa ab ambobus illata, rite in animo versabit: Quaecunque enim, hujus praecipue sub initium, in typho quoque clarius obscurius-ve conspiciuntur, lassitudo nempe, torpor, inertia: Atque revera omnia, quae intermorbos

morbos hosce progrediendos obveniunt, nervos insigni modo laborare indicant; hoc, in nostro morbo, testantur spasmi, contractionesque vehementes toti ejus progressui adnexi, et in typho provectiori non raro contingentes: Forte canini mali venenum, quam typhi violentius, magisque virosum; i. e. irritatio allata magis exquisita sit: At haec res a vario corporis habitu, quem assicit, varietatem accipiat; sique solummodo gradu signa discrepent, verum exinde morborum nequaquam oritur discrimen.

Id, in quo praecipue discrepant duo ista mala, est dira illa, et horrenda gutturis affectio, apud auctores nomine hydrophobiae insignita: At hoc signum nequaquam rabiei caninae omnino proprium esse, supra memoravi; ut et idem, testantibus multis auctoribus, juxta quarundam febrium sinem, et subinde in hysteria se manifestare.

Quare vel quomodo tale fignum in hoc morbo femper obvenit; vel qua ratione virus caninum gulam prae aliis partibus corporis corporis appetit; quomodo necnon (singulariter quidem) saliva hunc morbum communicat, nec facilis, si quaeratur explicatio, nec forte unquam erit.

Istarum quaestionum secunda non magis in propatulo, quam quare nervus forte in corporis extremis, unus aut plures lacerati, trismum induceret; quare scrophula, et carcinomata glandulis abundantes partes praecipue infestarent; vel quare medicamenta nonnulla non nisi quasdam partes afficerent, hydrargyrum nempe glandulas falivam excernentes, cantharides urinae vesicam, &c.: Quae quidem inter naturae arcana nunc, et forsitan in aeternum latebunt. Quod ad tertiam quaestionem non prorsus absonum erit si respondetur, quod quandocunque corporis pars quaevis irritatione afficitur, ad munera sua, quaecunque fint, peculiari et insolito modo excernenda, eadem proclivis fit; quod praeterea exinde, humores talis indolis secernuntur, qualis in animali altero similem actionem ci-

corporis

DE RABIE CANINA. 25

eat; vel (eodem spectat enim) quod virus absorptum, et per corpus delatum, praecipue glandulas salivam secernentes arripit; vel denique assectio ex consensu inter cerebrum et intestina intercedente, partim fortasse pendeat: Ideirco quod haud parum hujus veneni, et ista contagionis, actio se mutuo similant, suspicari non omnino sine causa erit.

CAUSA PROXIMA.

anto accessed amenated in appointment

Si mali, cujus origo tantum absconditur, proxima causa exhiberi posset, ad usum medicum promovendum haud leviter conferret; et utcunque tale negotium, venenorum natura, hujusque praesertim, tam obumbrata, omnibus difficile videatur; ex signis tamen quae adsert hic morbus de proxima ejus causa aliquid conjicere haud

vetatur. Nervos ideo debilitate et organis propterea nimis sentientibus correptos, ideoque facilius per totum corpus, at magis adhuc per tubum alimentarium irritandos, pro causa proxima non sine causa haberi posse nobis videatur: Haec quidem corporis conditio nervorum fontem, et originem, cerebrum nempe, infestanti veneno, et debilitatem aut inertiam inducenti forsitan imputetur; imminuta exinde, ejus excitandi facultate.

Venenum tali modo agere vix dubitandum relinquunt varia morbi figna; omnia enim debilitatem inferre verifimile reddunt; istud praeterea, quod maxime infigne est (viz. hydrophobia, et musculorum gulae affectio) facillime explicandum est, si pro explorato habeatur sibrarum musculorum irritandi facilitatem, omnibus quae vigorem suum minuunt, augeri; exindeque cunctis infirmantibus.

Nec quaecunque alia ad rabiem caninam pertinent haud, ni fallor, eadem ratione, (non (non etiam excepto delirio) explicanda; delirium enim morbo jam provecto, et saeviori oboritur; sicut in quibusdam febribus a cerebri imminuta incitatione provenit.

Venenum hoc idcirco nervis praecipue infestum esse opinamur; et a potestatibus moventibus, solummodo pendere omnes mutationes quae varia corporis munera afficiunt.

Non meum est, ut de diagnosi verba facerem; quia signis supra recensitis, facile ab omnibus aliis hic morbus distinguitur.

PROGNOSIS.

Certam in hoc morbo prognosin, aeque ac in multis aliis morbis statuere perdifficile est: At quidem, propter adversam hactenus nostrorum remediorum fortunam, exitum felicem augurari raro possumus. Nihilo-minus

minus quia a fignis aliquid judicare et difcernere penes nos fit, non femper, ut animum despondeamus convenit; nec oportet quamcunque morbi speciem penitus infanabilem habere; nostrum folummodo est, ut quandocunque res difficultate insigni implicentur, inscientiam nostram fateamur. Quamvis enim, in hoc vel antea elapsis seculis, remedium ad hunc morbum tollendum valens, haud repertum fuerit licet nihilominus sperare tale, venturos forte inter homines, se proditurum esse. Ab hoc ad illud humanus progreditur animus, omnia tentans; et ad alteram in magna scientiae catena perducit unaquaque commissura. Morbus quidem eo assurgere potest, quod labem inde, in corporis variis partibus acceptam intuentes, et vim qua per totum pollet in animo colligentes, jure, nec interjecto dubio, praedicare non vetamur, eundem cum talis in quocunque homine saevit, infanabilem esse. At in diversis mali stadiis, valde diversa inferre permittitur.

RATIO MEDENDI.

Hoc revera caligine atra obtegitur: Plerumque enim miserrimus, quem hic morbus adoritur cito fatis succumbit; etiam quamvis omne remedium, quod vel theoria excogitavit, vel experientia commendavit adhibitum suerit. Audivimus autem eundem sanatum esse; igitur, etiamsi in nullo morbo quam in hoc plus fallaciae, semitam, quam hujusmodi experientia designavit, sequar.

Illa quidem duo sanandi consilia indicat; quorum primum in veneni effectibus oppugnando constat: Alterum vero in duas partes dividitur; in eam quae irritandi facilitatem nervis minuit; et, 2do, quae corpori robur impertitur. Cujuscunque aevi scriptores in hanc sententiam ierunt, quod, malis quae ex rabidi animalis morsu sequi solent,

solent, praecipuum est ut antea obviam eamus; et idcirco primum nostrum confilium optime perficitur, resecando partem illam cui morsus inflictus erat; tali negotio convenit scalpellum; incisio profunda debet esse, et latior, ne quaedam veneni pars fortasse supersit in homine. Nonnullis crudelia videntur talia vulnera; atqui dolor per tantulum temporis vexans nihili habendus est, cum diris, quae sequi minantur, collatus. Eadem insuper medendi ratio a Boerhaave *, Prestwick †, et aliis scriptoribus laudata est: Idem quoque sentit Mead, nos monens, talem hujus morbi curationem esse vel extemplo post venenum receptum, vel paucis diebus tentandum, et antequam hydrophobia vel aquae horror supervenerit ‡.

Attamen quam longo intervallo post morsum acceptum haec operatio cum exi-

tu

^{*} Aphorisms.

[†] Treatife on poisons.

[‡] Treatife on poisons.

the

tu felici usurpari potest, disputatur: Quidam auctores asseverarunt eam nihil boni allaturam esse, nisi extemplo in usum veniat. Sed ex analogia, ratione a variolis ducta, fortasse nobis colligere licebit hanc operationem profuturam esse, etiam si per complures dies a morsu dilata fuerit: In variolis enim docuerunt experimenta, quod si pars, cui materies inficiens admota erat, earundem propagandarum gratia, etiam diebus aliquot post ejus applicationem exscindatur, ne ullus morbus ejusmodi insequetur.

Equidem sat difficile est, absorptione nunc ferius contingente, propter varia multa et temperamentorum peculiaria (ut fupra memoratum) statuere quo tempore hoc venenum effectus suos edidisset. Illust. Cullen, a cujus ingenio et industria medieina tanta accepit de hoc morbo disserens, fic prolocutus est: 'I am, in the first place, firmly persuaded, that the most certain means of preventing the consequences of

the bite, is to cut out, or otherwise de-

ftroy, the part in which the bite has been

' made. In this every body agrees; but

' with this difference, that some are of o-

' pinion that it can only be effectual when

' it is done very foon after the wound has

been made, and they therefore neglect it

' when this opportunity has been miffed.

'There have been, however, no experi-

' ments made proper to determine this

· matter; and there are many confiderati-

ons which lead me to think, that the

' poison is not immediately communicated

to the fystem; and therefore, that this

' measure of destroying the part may be

' practifed with advantage, even many

days after the bite has been given *.'

Postremo, ab experimentis didicimus, ulcus venereum, si recentius sit, omnino abscissum, morbo ipsi ulterius progressuro omnino

^{*} First lines of the Practice of Physic, vol. 4. p.

nino obstare; dum vulnus brevi sanatur. Ex istis igitur, opinor hanc operationem femper praestare; etiamsi venenum per temporis intervallum breve adhibitum fuerit antea. Parte excisa vulnus per aliquod tempus apertum, nec sanatum fonticulis, vesicatoriis, vel aliis escharoticis servetur necesse est.

Perhibuit historiam Fothergill, ancillae cujusdam, et ejus domini; qui ambo a fele rabido morfum passi erant: Vulnus quod acceperat ancilla, per diuturnum tempus non potuit sanari; domini autem interea, quia ille leviter tactus erat, cito evanuit: Ille hydrophobia captus ex vita deceffit; dum ancilla, ulcere veneni absorptionem praeveniente, morbum omnino effugit.

Quandocunque autem nobis non concedatur facultas morbum hoc modo tractandi, cucurbitulae forsitan, et scarificatio nostro proposito respondeant. Memorata sunt praeterea a quibusdam auctoribus cauteria ambo, ut ea, quae infigne commodum at-

tulerunt:

tulerunt: Atque revera, si satis morbosarum partium esset ab iis deletum, certe proficerent: Veruntamen istas partes scalpello eximi magis optandum videtur; quia dolor, quem cauterium insert, multo diutius perstat, et sortasse magis nocet, quam ille, quem scalpellum.

Partem quoque vulneratam exfugere, a scriptoribus, etiam celeberrimis, praeceptum est *: Nequaquam vero existimo, tale opus fuscipi debere, quia sugenti multum periculi forte adferat; timendum est enim, ne veneni pars quaedam, linguae, gingivis vel faucibus adhaereat, et ab iis absorbeatur: Atqui hoc semper, ex necessitate, citius adhuc efficietur, si in his partibus sit ulcus: Num autem tale venenum, si aliquo casu in sugentis ventriculum reciperetur, innoxium effet, statuere haud possumus: At si ex analogia inferre liceat, ille sugendi modus, ut remedium in hoc morbo laudatus fuit, propter

^{*} Celsus de re med. lib. 5. p. 226.

propter ejus efficaciam (ut auctores dicunt) in eximendo viperae venenum: At ratio, qua hoc et illud venenum organa vitalia afficit, valde diversa est: Etenim canis rabidi venenum (ut supra expositum) absorptione agit; non autem nobis pro certo est, viperae venenum hoc modo afficere; quia wix in animo concipere possumus, quomodo absorptio contingere potest, quum venenum viperinum effectus suos, in perpaucis horis, imo interdum horae momentis edit. Patet igitur ex hoc viperae venenum principium vitae confestim lacessere, et ejus agendi poestatem dirimere: Experimenta docuerunt pium istos nervos, quibus recta applicatur, primo molestare; et inde per consensum, non per absorptionem caeteros. Lethum vero ab absorptione inferri posse ex exemplis iupra recensitis in propatulo est.

Huic praeterea consilio respondeat caulicorum applicatio, si ex iis factum sit ulus sat amplum, et profundum, et per temus sat longum sanari prohibeatur.

cipue

cipue vero convenit haec applicatio, quando pars, cui morsus inflictus est, non facile exscindi potest, ut oris partes quaedam, &c.; tunc enim causticorum idonea applicatio maxima commoda pollicetur: At scalpellum, quandocunque rite usurpari potest, anteferendum est. Atque hoc modo primum nostrum consilium perficere conamur. Antequam vero secundum, nempe id quod curationem respicit, aggrediamur, forte pretium erit operae, nonnulla remedia specifica dicta, et a quibusdam magni nominis scriptoribus insigni laude commendata perstringere. Praetermitto quidem id Œschriontis a Galeno, et Oribasio nobis traditum; id scilicet quod a cancris ustis componitur; nugas nec non Peregrini hyenae pellem induere fuadentis; una cum pulvere Palmarii adeo jactato; cancrorum quoque fluvialium, cum theriaca, cineres ab Ætio, Rufo, et Possidonio commendatos; turpethum minerale quod James tanta laude extulit; et stannum cum Mithridatio, datio, a Mayern et Grew commendatum. Cynorrhodi quoque radicem, etiamsi infomniis coelitus commonstrata fuisse dicatur; et canis rabidi jecur exustum; Pimpinellam insuper ab Henrico, ejus nominis secundo Galliae rege, medico suo Fernelio indicatam; et multa alia: Nec nisi ad ea, quae hodie in usu sunt, quae apud multos celebrantur, quaeque a medicis magni nominis ingentes laudes acceperunt animum advertam. Horum primum obvenit id medicamentum, quod a vico Ormskirk nomen accepit, majori attentione quam alia, observandum; quia idem in hujus mali curatione multum profuisse dictum est, et etiam hodie in Angliae quibusdam partibus septentrionalibus celebratur: At si medicamenta fingula, quibus hoc conficitur, perlustremus, patebit quod ne unum ex iis aliquid contra hunc morbum valere potest: Haec enim funt;

R. Pulv. Cret. 3fs.

—— Alum. gr. x.

Bol. Armen. 3iii.

Pulv. Enul. Camp. 3i.

Ol. Anif. gtt. vi. Misce.

Tale quidem est remedium a multis magni aestimatum, adversus malum tam atrox et periculosum. Inter omnes constat, cretam non nisi absorbere. Alumini dotes funt stypticae; atque bolo Armeniaco similes, fed minores gradu: Helenii vero radicem fere iners esse medicamentum, vix ulla virtute praeditum, nemo ignorat; unde vix unquam in ullo morbo usurpatur: Oleum anisi non nisi ad caetera miscenda inter se, et saporem palato jucundiorem iis impertiendum inservire potest. Haec compositio tamen ab Heysham (ut supra dictum est) ut omnino ad rabiem caninam curandam apta, miris laudibus fuit celebrata.

Tamen ipse Heysham non negat quod hoc remedium in multis exemplis defecit; de istis autem hanc excusationem praetexit,

An cortice Peruviano intermittentes, " mercurio lues venerea, fulphuri pfora, " semper cedere inveniuntur?" Si vis, qua pollent adversus hos morbos remedia ista eum effugit, talibus respondendi veniam posco; nempe, quod plerumque (humano generi fausta quidem res) illorum morborum mali effectus ab his ipsis remediis oppugnantur revera; non autem credo, etiam unum exemplum caninae rabiei verae ab ejus laudato medicamento sublatae proferri posse. Haud mirum mehercule est homines theorias proprias, totis viribus suffulcire cupientes, eorum gratia argumenta nonnunquam inepta amplecti. Multa quidem a variis auctoribus memorata, illud parum proficere oftendunt; quae ut recenseam, haudquaquam necesse est. Quando symptomata probe conspecta sunt, facile apparet, talia ab acido (ut ab illo erat existimatum) nequaquam suam originem posse duHic praeterea animadvertere fas est, quod ex multa observatione ratum suit, plurimos ab animalibus rabidis morsum passos, nec tamen morbo hoc captos esse. Retulit Vaughan, quod ex fere triginta hominibus aliquando eodem cane rabido morsis, non nisi unus hoc malo correptus est *: Itaque si hoc medicamentum omnibus istis hominibus imperatum esset, omnes proculdubio ab eo convaluissent, praeter unum illum; et exinde sides insignis, quod ad ejus dotes, et potestatem adversus hunc morbum, ei contigisset.

Pluribus de hujus medicamenti inutilitate non opus est; mentionem illius profecto non fecerim, nisi gratia eorum, qui de ejus natura forte ignari sint; ut caveant, ne hujus morbi jam provectioris curationem tali remedio sperent, vel in eo sidem reponant.

Alterum medicamentum hoc nequaquam efficacius a Georgio Cobb Equite, nobis fuit

^{*} Cases of Hydrophobia.

fuit commendatum, remedium De Tonquin appellatum a loci nomine unde ad nos afportatum est; hoc apud Sinenses nunquam fallere existimatur; merito autem hodie negligitur: Haec funt illa ex quibus conficitur

R. Cinnabar. Nativ.

Factit. a a gr. XXIV. Moschi gr XV. Misce, fiat pulv. fubtil.

Haec sumenda sunt in cyatho liquoris ejus qui arrack nuncupatur; et si intra paucas horas postea non prorumpat lenis sudor, remedium iterandum est: Attamen omne commodum, quod abeo provenire potest, moscho, qui vi pollet antispasmodica certe debetur. Propter tales equidem dotes, adversus spasmos, quae in hoc morbo contingunt, utile fit forte.

Ille pulvis, quem laude efferebat Mead, ex lichene cinereo terrestri, et pipere nigro componitur. Licheni hujus medicamenti efficacia attribuitur; id quidem a materiae

42 DE RABIE CANINA.

medicae scriptoribus acre diureticum habetur; at si de vegetabilium natura quicquid
ex eorum gustu detegi possit (quod magna
ex parte conceditur) licebit colligere hoc
parum vel etiam minime adversus aliquem
morbum profuturum; non enim ex eo
percipitur vel aliquid pungens, vel ullus
sapor insignis palatum afficiens.

In actis philosophicis* plantam quandam, viscum sambucinum nuncupatam†, et in quo ad hunc morbum sanandum, multum sidei reposuit, commendavit Dampier: Eadem cum venaesectione, et balneo frigido usurpari voluit: At hoc medicamentum jure obsolevit.

De balneo frigido nunc tractandum est:
Hoc quidem adversus hunc morbum in usu
fuit olim; sed nuper etiam ut antidotum
laudatum est. Idem laudat Celsus, non
solum ut remedium prophylacticum, sed
etiam

^{*} No. 237. ann. 1780.

[†] Tremella Auricula, Lin.

etiam ut utile in ipso morbo sanando; Ægrum in piscinam projici nec opinantem nec eam antea conspicientem jubet," modo quoque mergere, modo attollere, " usquedum ore etiam invitus aliquid 'aquae sumpserit; sic enim simul, et si-" tim, et aquae metum auferendum fore "." Wec minus a Boerhaave laudatum est balneum frigidum: At in contrarium senteniam ierunt multigalii auctorest; asseveranes nil boni unquam ab eo oriri: Nourse raeterea in actis philosophicis exemplum memoravit, quod horum fententiam valde confirmare videtur; adolescens enim quiam in pollice morfum a cane rabido aceperat; in mare decies immergebatur; tt antidotum, illis temporibus celebratum nagnopere, nempe pulverem antilyssum, er quadraginta dies, ore sumebat; nihilominus

[·] Celfus De re Med. lib. V.

[†] Berkenhaut on the Bite of a Mad Dog; Fotherill, Philof. Transact. &c.; Hamilton on the Hydrohob. &c. &c.

ominus post menses undeviginti hydrophobia correptus peribat; etiamsi intra hos menses ab operatione in eum propter calculum vesicae extrahendum instituta convaluerat *.

Duo similia exempla retulit venerandus Morgagni; in istis hic aeger, ipsa nocte balnei frigidi usum insequente, mortuus est; ille cito postquam ab eo ascenderat. Nec praetermittere possum exemplum alterum quod in actis medicis retulit Munckly: Quidam a cane rabido mordebatur; et ejusdem diei vespere ad maritima discedens, apud ea per decem dies mansit; intra id tempus saepe lotus est; nihilominus hebdomadis sex elapsis, captus rabie canina fuccubuit fatis. Collatis autem omnibus licere videtur nobis de hoc remedio collecturis, exempla in quibus id nec morbo huic obstitit, nec eum sustulit, innumera esse.

Laudatus est, quod ad hunc morbum sublevandum, ab auctoribus celeberrimis, hydrar-

^{*} Acta Philosop. No. 445.

hydrargyri largus usus: Van Swieten, Sauvage, James, cum aliis compluribus, magni hoc medicamentum habuerunt; ut et auctores adhuc recentiores, ut De Laffone, &cc.; atque etiam illuf. Cullen ipfe ait, " That more advantage feems in prac-" tice to have been derived from this than " from any other remedy ":" Multa quidem narrantur utilitatem ejus, et aeque multa, nihil id ad hunc morbum praevertendum valere testantia. De Lassone inquit hoc medicamentum in decem ex quinque et decem hominibus, qui omnes, alii intra viginti, et quatuor horas post alios, a lupo rabioso morsum acceperant, tentatum esse: Horum hominum tres oftreorum testis, in pulverem redactis fretos (nec hoc valde diffimile a medicamento quod apud Ormskirk whit) paucis diebus furiosos et delirantes factos e vita excessisse: Quartum, medicum non arcessentem, donec morbus se manifestaverat, rabie correptum et extinctum esse: Undecim qui supererant, advocato medico, imperatum esse hydrargyrum; horum unum, postquam id per dies decem sumpserat, hydrophobicum factum spatio quadraginta, et octo horarum mortuum; tres alios denique inter hydrargyrum utendum sublatos: Caeteros vero (ut ille opinatur) ab eo sanatos.

Licet autem hic, non sine gravi causa, suspicari residuos illos talem infectionem nunquam accepisse.

Default ejusdem remedii fautor praecipuus, existimabat morbum hunc a vermiculis valde exiguis originem suam trahere;
et propterea, quia hydrargyrum contra
vermes pollet, idem quoque illum sugaturum. Haec autem theoria, potius ex solicito somnio nata, quam animo vigilante et
sui compote videtur esse: Non amplius igitur in eam morabor. Opinor equidem,
quod si exemplis multis, a scriptoribus prolatis, hydrargyri incassum et sine ullo
commodo tentati, credere sas sit, licebit
quoque

quoque colligere non multum fidei in eo ut prophylactico, multo minus ut medicamento penitus morbum sublaturo reponendum esse: At nihilominus, quantum proficiat experientia hactenus non satis indicavit. Cheyne et alii putarunt, quanquam hydrargyrum large in corpus injectum deficiat, id tamen, non ultra falivationem progrediendo, nostris votis responsurum esse: De hoc autem multum dubito; si enim ex analogia rationem inferre liceat, comperiemus, hydrargyrum luem veneream, faliva proritata, folvere certius quam si talem effectum non praestitisset.

A quibusdam prolata est et alia ratio indicans, similitudinem inter rabiem caninam,
et luem veneream intercedere; quia virus,
quod utrique morbo causae est iisdem vasculis, lymphaticis nempe, absorbetur: Non
autem inde, quantum ego judicare possum,
sequitur, hydrargyrum, quia unum morbum hujusmodi tollere solet, propterea omnes qui per illa vascula in corpus irrepant,

obstant variolae; earum etenim contagio, quanquam iisdem vasculis acceptum, neque unquam hydrargyro deleri repertum est; neque ipsum morbum, postquam semel id corpus infecerit, ab eo praeverti; corruunt idcirco eorum argumenta, et sua mole prolabuntur.

Mea quidem opinione, multum mali faepe ab hoc medicamento oritur; quot enim hominum corpora ab eo vel nimis vel intempestive usurpato infirmata et quassata quotidie licet aspicere? Quot medici idem temere adhibent, potentiam qua humanum corpus afficit nihilominus ignorantes? Oportet autem illum, qui hoc imperat, non solum perspectas habere vires ejus cum aliis rebus mixti, sed etiam quando solum adhibetur. Revera medici multum interest et structuram cujusque nostri corporis partis, et usum pernoscere.

Nulla quidem fides ad illa, quae assecuta sunt, nomen hujus morbi remediorum speci-

ficorum adjudicanda est; quia vix aliquem latet hodie, quam exigua, si ulla, vi ejus veneno adversantur, quandocunque pro certo habemus corpus ab eodem infectum esse: Quoniam vero aliquibus talis crasis et propriam quoddam sit, ut nunquam hoc malo infici possunt, specifica illa ex talibus corporibus nomen fuum infigne acquifierunt.

James de hac re disserens inquit,

" Perhaps, out of twenty people reported " to have been bit by mad dogs, the fact is " not true with respect to two. For many " receive a bite from a strange dog, in confequence of their own folly and im-" pertinence, which I think every one " guilty of, that teazes a dog, or endea-" vours to fright him wantonly; and on " these occasions, the consequence of the " aggressor's impudence is ascribed to the " madness of the dog, who immediately " runs away, and is heard of no more, or

" is killed, and is concluded to be mad,

" though

" though perhaps more rational than the

" fool that provoked him. Then some

" specific is administered; the person con-

" tinues well, and the remedy acquires the

" reputation of having cured a distemper

" that never existed in that subject, or of

" preventing one, that could never be ex-

" cited by that cause *."

Curationem, quae maxime idonea videtur, aggrediens, (quia nullum remedium unicum semper venenum e corpore ejiciens hactenus cognitum fuit) duo consilia proponam; nempe, 1mo, Nervorum irritandi facilitatem nimiam minuere, et cavere ne corpus inde nimis exquisite sentiat; 2do, Robur corpori impertiri. Primo confilio opium quod forsitan hac vi, nempe irritationis minuendae, omnibus praestat, liquida sub forma adhibendum; quia quando pilulae ex eo usurpantur, illae non confestim solvuntur, et idcirco serius effectus suos edunt: Si aeger huic medicamento affuetus

^{*} James on Canine Madness.

assuetus fuerit, guttae sexaginta uno tempore sumi possunt, si non quinquaginta forsitan sufficient, haec quantitas ter quaterve in die, uti fymptomata urgent, propinentur. Nunc oportet quidem ut valide nitamur, et ut quam maxime leniamus faucium irritationem; nam ea in hoc morbo multo magis quam in ullo alio exquisita est; etenim solida interdum deglutiri posfunt, dum etiam levissimus cujuscunque liquoris contactus convulsiones ciet; quam celerrime igitur huic occurrendum est. Quando hoc accidit opium in pilularum forma imperari debet, quarum cuivis opii duo grana insit; earundemque quinque aut sex quotidie sumantur; aucta quantitate gradatim eo usque quo aegri ventriculus sinit aut perferre potest. Sed si opium nec solida nec fluida forma ore assumi potest, tunc clysmata emollientia, quae septuaginta vel octoginta laudani liquidi guttas continent, imperentur et repetantur saepissime. Si opium defecit, tunc alia remedia tententur, ut aether vitriolicus, cujus drachma semis singulo quovis tempore est capienda, et ter vel quaterin die iteranda. Postremo, hoc desiciente, nos tentare opportet, moschum, sub quacunque forma velit medicus. Sed in hoc morbi stadio spes maxima nostra ab opio oritur, itaque imperare eum debemus in quantitate tam magna quam aegri vires ferre possunt. Ab eo remedio enim forsitan irritationi occurremus; et spasmi ac convulsiones ab ea pendentes maxime lenientur.

Secundam nune partem appulimus, nempe ut corpori robur redintegretur; ad hoc
confert eximie cortex Peruvianus, ut ecligma, juglandis magnitudine, assumendus,
quotidieque iterandus quater vel quinquies,
prout ventriculus ferat aegri; cui quoque
permittendus cibus nutriens, et vini quantum velit. Si cortex Peruvianus nauseam
inducat, ad parata ex chalybe confugiendum est; e quibus ferri rubigo optime pollicetur, quater, e charta farinacea quovis
die,

die, usque ad scrupula duo, assumpta. Si vero tantum increverit, morbus, quod non amplius aliquid aeger aut solida aut sluida devorare possit, desperandum sere omnino: Quantum possumus nihilominus tentandum; infelici caput radendum; et imponendum quod totum cranium obtegat epispasticum: Gutturi quoque extrinsecus cataplasmata laudano tincta, saepius imponenda.

Ut clysmata injicienda sunt quoque sorbitiones valentiores, et juscula opii aliquanto commisto; laxantia quoque eodem modo, ut liquetur alvus, usurpanda, etiam per morbum totum. Atque his rationibus sorsitan tantum irritandi facilitatem sauces infestantem debellare, ut aliquid devorare possit aeger, penes nos sit; et rebus sic se habentibus etiam in diro hoc malo remediis supra memoratis ipsa sanitas sorte revocetur.

Finita nunc haec brevis dissertatio:

Quam manca et imperfecta sit nequaquam
ignoro.

54 DE RABIE CANINA.

ignoro. Interea autem spero, hoc non ad ingenii inopiam omnino adscribendum fore; res enim ipsae ad tale opusculum pertinentes in occulto latent, et tenebris obvolutae animi aciem fugiunt; nec propterea scriptori quae sufficiat, materiam suppeditant; ita ut, etiam post hunc tractatum inceptum, pene ab eo desivi, aliud argumentum prosecuturus. Qualiscunque vero sit, subest spes quod omnis lector ingenuus in tali re mendis, quae forsitan insint, ignoscet.

FINIS.

ANTHADA





